

16.11.2025

Тропарь воскресный, глас 6:

А́нгельския си́лы на грóбе Твоём, / и стрегу́щи омертвёша, / и стоя́ше
Ма́рія во грóбе, / и́щущи Пречи́стаго Тёла Твоего́. / Пленíл еси́ а́д, не
искусíвся от него́; / срéтил еси́ Дёву, да́руяй живóт. / Воскресы́й из
мёртвых. Го́споди, сла́ва Тебе́.

Тропарь, глас 4:

Прави́ло веры и о́браз кротости, / возде́ржания учи́теля / яви́ ты ста́ду
тво́ему / Я́же веще́й Исти́на. / Сего́ ради́ стяжа́л еси́ сми́рением
вели́чие, / ни́щетою бога́тая, / о́тче свяще́ннонача́льниче Никола́е, /
моли́ Христа́ Бога́, / спа́стися ду́шам на́шим.

**Тропарь сщмч. Акепсима, епископа, Иосифа, пресвитера и Аифала,
диакона, глас 4:**

Му́ченицы Твои́, Го́споди, / во страда́ниях свои́х венцы́ прия́ша
нетле́нныя о́т Тебе́, Бо́га на́шего, / иму́ще бо крё́пость Твою́, / мучи́телей
низложи́ша, / сокруши́ша и де́монов немощны́я де́рзости: / тех
моли́твами / спаси́ ду́ши на́ша.

Тропарь вмч. Гео́ргия Победоносца, глас 4:

Я́ко плéнных свобо́дитель / и ни́щих защи́титель, / немощствую́щих
врач, / победоно́сче вели́комучени́че Гео́ргие, / моли́ Христа́ Бо́га
спа́стися ду́шам на́шим.

Кондак воскресный, глас 6:

Живона́ча́льною дла́нию / уме́ршия о́т мра́чных удо́лий, / Жизнода́вец,
воскреси́в все́х Христо́с Бо́г, / воскресе́ние пода́де челове́ческому ро́ду:
/ е́сть бо все́х Спа́ситель, / воскресе́ние и живóт, и Бо́г все́х.

Кондак, глас 3:

В Мирех, свя́те, свяще́ннодействитель показа́лся еси́, / Христо́во бо,
преподобне, Еванге́лие исполни́в, / положи́л еси́ ду́шу твою́ о́ людех
твои́х / и спасл еси́ неповинны́я о́т сме́рти. / Сего́ ради́ освя́тился еси́, /
я́ко вели́кий таинник Божия́ благода́ти.

Кондак сщмч. Акепсіма, епископа, Ио́сифа, пресвитера и Аифа́ла, диакона, глас 2:

Божественная, му́дре, непоро́чно тайноводи́л еси́,/ же́ртва приятна
был еси́, Богоблаже́нне:/ Христо́ву бо пил еси́ ча́шу сла́вно, свя́те
Акепсі́мо,/ со страда́льцы твои́ми,/ моля́ся непреста́нно о всех нас.

Сла́ва Отцу́, и Сы́ну, и Свято́му Ду́ху.

Кондак вмч. Гео́ргия Победоносца, глас 8:

К возбра́нному и ско́рому заступле́нию Твоему́ прибегше, ве́рнии,/ мо́лим изба́виться, страстоте́рпче Христо́в,/ от собла́зн вра́жиих
воспева́ющим тя,/ и вся́ких бед, и озлобле́ний, да зове́м:/ ра́дуйся,
му́чениче Гео́ргие.

И ны́не, и прісно, и во ве́ки веко́в. Ами́нь.

Кондак Пресвятой Богородице, глас 6:

Предста́тельство христиа́н непосты́дное,/ ходата́йство ко Творцу́
непрело́жное,/ не прэ́зри грешных моле́ний гла́сы,/ но предва́ри, я́ко
Блага́я, на по́мощь нас,/ ве́рно зову́щих Ти:/ ускори́ на моли́тву и
потщи́ся на умоле́ние,// предста́тельствующи прісно, Богоро́дице,
чту́щих Тя.

Прокимен, глас 6: Спаси́, Го́споди, лю́ди Тво́я / и благослови́ достоя́ние
Твоё.

Ин Прокимен, глас 4: Святы́м, и́же суть на земли́ Его́, / удиви́ Госпо́дь
вся хоте́ния Сво́я в них.

Причастен: Хвали́те Го́спода с Небе́с, хвали́те Его́ в Вы́шних.

Ин Причастен: Ра́дуйтесь, пра́веднии, о Го́споде, пра́вым подоба́ет
похва́ла.

Аллилу́иа. Аллилу́иа. Аллилу́иа.